



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

31 Maji. Prid. Kal. Junii.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

etorum omnium preces, pateant  
portæ æternæ civitatis Dei. A-  
men.

- S. Felix Papa, Martyr.
- S. Exuperanti Episc.
- SS. Gabine, & Crispule, MM.
- SS. Syce, & Palatine, Martyres.
- S. Anastasi Episc.
- SS. Basili, & Emmelia, conju-  
ges, Sancto Basilio Magno filio  
magni, pro Christo exules.

OMNES SANCTI, &c.

pag. 320.

*S. MARIA, qua à Jacobo hodi-  
erno cliente tuo conspecta es librum co-  
ram iis, qui ad concionem dicebant,  
tenens, & alijs illos docens. Tu libros,  
quos lego; verba, qua dico, vel audio,  
tu gubernas: ut pia lubens legam, lo-  
quar, audiam; ita prout me id fa-  
cere vis!*

31 Maji. Prid. Kal. Junii.

**S**ANCTA Petronilla, S. Petri, post-  
ea Apostoli, filia; cui, inter o-  
mnes dolores, gratias agenti, fe-  
bres, & paralytim corporis, pro sa-  
lute animæ, impetravit sanctus pa-  
rens: quæ tandem sanata, etiam a-  
lios sanasti; & recusato illustrissi-  
mo matrimonio, cum semper

E c s                      alias,

aliàs, tùm ultimo vel maximè tri-  
duo, precibus intenta, accepto sa-  
cratissimo Eucharistiæ epulo, ex-  
pirâsti. Ora pro me, sanctè agra  
Virgo, ut animæ meæ nulla in re  
impedimento sit corpus; sed adju-  
mento: ut tandem, dum anima  
hæc mea hoc corpus, per mortem,  
deseret, ita deserat, ut ubi ad illud,  
in resurrectione, redierit, unà cum  
illo resurgat in vitam æternam. A-  
men.

Sancti fratres, Canti, Cantiane,  
& Cantianilla, ex illustri profa-  
piâ, pro Christo, unà cum Proto-  
pædagogo vestro, Martyres, capite  
plexi.

S. Crescentiane M.

S. Paule, cum sociis M. qui  
quotidie centum quinquaginta  
psalmos recitâsti; ut Jesus te, so-  
cios, & amicos, ab ignis, à luxu-  
riæ, à gehennæ, incendio libera-  
ret.

S. Hermia miles, qui innume-  
ris ac sævissimis tormentis crucia-  
tus, unà cum converso, tuis exem-  
plis ac verbis, carnifice, gladio es  
obtruncatus.

S. Lupicine Ep.

S. Paschasi Diacone, cujus dalma-  
ticam feretro impositam ubi dæ-

mo-

moniacus tetigit, sanatus est; qui tamen horrendas purgatorii pœnas aliquamdiù passus es; quia partibus Laurentii, contra Symmachum, in electione Pontificis, adhæsisti; quare à Germano Episcopo orationes, & sacrificia petisti.

B. Jacobe Venete, qui, cùm in Novembri, in Beatissimæ Virginis, & Sanctorum patronorum tuorum, Ascidi, & Victoris, honorem Officium recitares, recentem rosam tulisti. cujus crebra fuere suspiria dicentis: *Felix lingua, quæ non novit nisi de divinis texere sermonem!* qui cùm ultimis quatuor vitæ annis carcinomate fœdo laborares, patientissimus, prævisio mortis tuæ tempore, migrâsti felix, & mortuos post mortem excitâsti.


OMNES SANCTI, &c.

pag. 320.

S. MARIA, cujus hodie festum de tolerantia, seu patientia, in Gallia celebratur, cùm hodie Rex Gallia imaginem tuam argenteam, alterius, à scelerato quopiam truncata, loco posuit. Fac, ut quantum te oderunt mali, tantum te amem, ac honorem; amemque amantes te, honorem honorantes te: ut moriar morte, ac vivam

ater-

480 ANNI CÆLESTIS  
*aternitate amantium, & honoran-*  
*tium te!*



ANNI CÆLESTIS  
JUNIUS.

*I Junii. Kalendis Junii.*

**S**Ancte Simeon, solitudinis, o-  
rationis, ac jejuniorum studio-  
sissime, è mari, Angeli operâ,  
erepte; dæmonum, formis pluri-  
mis tibi oranti obstrepentium, &  
illudere, terrere, decipere conan-  
tium, victor; qui lucem tibi à dæ-  
mone in conclave immisam, ne  
aspectu quidem dignatus, dixisti:  
*Mortuo mihi orietur Sol meus;* ac  
tandem de die mortis à Domino  
monitus, etiam post mortem in ca-  
daveretuo sudâsti. Arma me con-  
tra omne id, quod morienti mihi  
obesse potest ad æternitatem. Ora,  
ut oratione, ac jejunio ita tentan-  
tem omnem hostem semper vin-  
cam, ut mihi & vivo, & morien-  
ti, oriatur Sol meus verus, Sol æ-  
ternitatis sanctæ, lumen gloriæ,  
dies Dei æternus. Amen.

S. Juventi Martyr.

S. Pam-